

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**R J E Š E N J E**

**po Prijavi koncentracije privrednih subjekata**  
**PROINTER ITSS d.o.o. Banja Luka i KALDERA COMPANY d.o.o. Laktaši**

**Sarajevo**  
**april, 2020. godine**



**Broj: UP-05-26-1-003-22/20**  
**Sarajevo, 23.04.2020. godine**

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po zajedničkoj Prijavi koncentracije privrednih subjekta Prointer ITSS d.o.o., Vuka Karadžića 2, 78 000 Banja Luka i Kaldera company d.o.o. Laktaši, Kobatovci bb, 78 250 Laktaši, zaprimljenoj dana 08.01.2020. godine pod brojem: UP-05-26-1-003-1/20, na 68. (šestdesetosmoj) sjednici održanoj dana 23.04.2020. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu proizvodnje uređaja za distribuciju i kontrolu električne energije na području Bosne i Hercegovine koja će nastati sticanjem kontrole privrednog subjekta Prointer ITSS d.o.o. Banja Luka nad privrednim subjektom Kaldera company d.o.o. Laktaši, kupovinom vlasničkog paketa od (...)\*\*\*<sup>1</sup> % udjela osnovnog kapitala.
2. Obavezuju se privredni subjekti Prointer ITSS d.o.o., Vuka Karadžića 2, 78 000 Banja Luka i Kaldera company d.o.o. Laktaši, Kobatovci bb, 78 250 Laktaši da plate administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.
3. Ovo Rješenje o koncentraciji se upisuje u Registar koncentracija.
4. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće je zaprimilo pod brojem: UP-05-26-1-003-1/20 dana 08.01.2020. godine, original zaprimljen dana 13.01.2020. godine, podnesak pod nazivom Namjera prijave koncentracije (broj: 32-01/2020 od 08.01.2020. godine - u daljem tekstu: Prijava) privrednog subjekta Prointer ITSS d.o.o., Vuka Karadžića 2, 78 000 Banja Luka (u daljem tekstu: Prointer ITSS), kojom isti namjerava steći većinsku

---

<sup>1</sup> podaci predstavljaju poslovnu tajnu u smislu člana 38. Zakona o konkurenciji

kontrolu nad privrednim subjektom Kaldera company d.o.o. Laktaši, Kobatovci bb, 78 250 Laktaši (u daljem tekstu: Kaldera company ili ciljano društvo).

Riječ je o zajedničkoj Prijavi koncentracije privrednih subjekata Prointer ITSS i Kaldera company.

Uvidom u zaprimljenu Prijavu i priloge uz istu Konkurencijsko vijeće je utvrdilo da dostavljeno treba dopuniti te je u tom smislu dana 31.01.2020. godine aktom broj: UP-05-26-1-003-2/20 uputilo Zahtjev za dopunom Prijave koncentracije, a zatim naknadno i dana 17.02.2020. godine aktom broj: UP-05-26-1-003-5/20 i dana 06.03.2020. godine aktom broj: UP-05-26-1-003-8/20.

Podnosioci prijave su traženo dostavili dana 07.02.2020. godine podneskom zaprimljenim pod brojem: UP-05-26-1-003-4/20, dana 28.02.2020. godine podnescima zaprimljenim pod brojem: UP-05-26-1-003-6/20 i brojem: UP-05-26-1-003-7/20.

Dana 25.03.2020. godine podneskom zaprimljenim pod brojem: UP-05-26-1-003-14/20 (original zaprimljen dana 30.03.2020. godine) Podnosioci prijave su Konkurencijskom vijeću dostavili Urgenciju za rješavanje predmetnog postupka .

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj Prijavi, u smislu člana 30. stav (3) Zakona, dana 22.04.2020. godine aktom broj: UP-05-26-1-003-20/20.

Konkurencijsko vijeće je, u skladu sa članom 16. stav (4) Zakona, dana 10.04.2020. godine izdalo Obavještenje o dostavljenoj Prijavi broj: UP-05-26-1-003-17/20 u kojem su objavljeni podaci o namjeravanoj koncentraciji i to u dnevnim novinama „Dnevni avaz“ i web stranici Konkurencijskog vijeća, te tom prilikom pozvalo sve zainteresovane strane na dostavljanje pisanih komentara o provođenju iste.

Na izdato Obavještenje Konkurencijsko vijeće nije zaprimilo bilo kakve komentare.

Konkurencijsko vijeće je analizom Prijave utvrdilo slijedeće činjenice:

Prijava je podnesena, u smislu člana 16. stav (1) Zakona o konkurenciji obzirom da je pravni osnov predmetne koncentracije Ugovor o kupoprodaji i prijenosu udjela koji je potpisan 25. decembra 2019. godine.

Podnosilac prijave je u Prijavi naveo da nema obavezu prijave koncentracije tijelima za konkurenciju drugih zemalja.

## **1. Učesnici koncentracije**

Učesnici predmete koncentracije su privredni subjekti Prointer ITSS d.o.o., Vuka Karadžića 2, 78 000 Banja Luka i Kaldera company d.o.o. Laktaši, Kobatovci bb, 78 250 Laktaši.

### **1.1. Prointer ITSS d.o.o. Banja Luka**

Prointer ITSS d.o.o., Vuka Karadžića 2, 78 000 Banja Luka je registrovan u sudskom registru Okružnog privrednog suda u Banja Luci, pod Matičnim brojem subjekta upisa MBS 57-01-0142- 15.

Osnivači ovog privrednog subjekta su fizička lica (..)\*\* Zvornik, (..)\*\*Zvornik i (..)\*\* Republika Srbija.

Osnovni predmet poslovanja ovog privrednog subjekta je trgovina na veliko računarima, perifernom opremom i softverom.

### **1.1.1. Povezana društva privrednog subjekta Prointer ITSS d.o.o. Banja Luka**

Prointer ITSS d.o.o. Banja Luka je osnivač i vlasnik (.)\*\*% udjela u privrednom subjektu (.)\*\*d.o.o. Sarajevo (matični broj upisa (.)\*\*), (.)\*\*71 000 Sarajevo koji, prema navodima iz Prijave, ne posluje u relevantnim djelatnostima niti na relevantnom tržištu.

### **1.2. Kaldera company d.o.o. Laktaši, ciljano društvo**

Povezana društva privrednog subjekta Kaldera d.o.o. Laktaši, Kobatovci bb, 78 250 Laktaši je registrovan u sudskom registru Okružnog privrednog suda u Banja Luci, pod Matičnim brojem subjekta upisa MBS 1-7201-00.

Privredni subjekt Kaldera company osnovan je od strane fizičkog lica (.)\*\* Laktaši sa učešćem od 100% u osnovnom kapitalu.

Osnovni predmet poslovanja ovog privrednog subjekta je proizvodnja uređaja za distribuciju i kontrolu električne energije.

#### **1.2.1. Povezana društva privrednog subjekta Kaldera company**

Privredni subjekt Kaldera company nema povezanih privrednih subjekata.

## **2. Pravni okvir ocjene koncentracije**

Konkurencijsko vijeće u provođenju postupka ocjene dopuštenosti koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06 i 34/10), Odluke o definisanju kategorija dominantnog položaja („Službeni glasnik BiH“, broj 34/10) te Odluke o načinu podnošenja prijave i kriterija za ocjenu koncentracija privrednih subjekata („Službeni glasnik BiH“, broj 34/10).

Konkurencijsko vijeće, na osnovu člana 43. stav (7) Zakona, može koristiti sudsku praksu Evropskog suda i odluke Evropske komisije, kao i kriterije i standarde iz Uredbe Vijeća EK broj 139/2004 o kontroli koncentracije između privrednih subjekata, Obavještenje Evropske Komisije o konceptu koncentracija privrednih subjekata te Smjerenice za ocjenu horizontalnih /vertikalnih koncentracija.

## **3. Pravni osnov i oblik koncentracije**

Predmetna koncentracija predstavlja sticanje/kupovina vlasničkog paketa od (.)\*\*% udjela privrednog subjekta Kaldera company od strane privrednog subjekta Prointer ITSS i (.)\*\*.

(.)\*\*

Oba pravna subjekta su sačinila neophodnu prateću dokumentaciju koja je neophodna za realizaciju Ugovora.

Nakon zaključenja Kupoprodajnog ugovora Kaldera company prodaje svojih (..)\*\*% udjela, za ukupnu ugovorenu cijenu od (..)\*\* KM, privrednom subjektu Prointer ITSS koje kupuje (..)\*\*% udjela, za ukupnu ugovorenu cijenu od (..)\*\*KM. Nakon navedenog udjeli ovih privrednih subjekata u upisanom i uplaćenom osnovnom kapitalu društva Kaldera company iznositi će:

- Kaldera company (..)\*\*% ukupnog osnivačkog udjela, izraženo u novčanoj protuvrijednosti: (..)\*\*KM
- Prointer ITSS (..)\*\*% ukupnog osnivačkog udjela izraženo u novčanoj protuvrijednosti: (..)\*\* KM

Pravni oblik koncentracije predstavlja sticanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to sticanjem većine udjela osnovnog kapitala, u smislu člana 12. stav (1) tačka b) pod 1) Zakona.

#### 4. Obaveza prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekta učesnika koncentracije ostvareni prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije i povezanih društava, na dan 31. decembra 2018. godine:

Tabela 1.

Ukupan godišnji prihod (KM)		
	Prointer ITSS	Kaldera company
<b>BiH</b>	(..)**	(..)**
<b>Svijet</b>	(..)**	(..)**

Izvod: podaci iz Prijave/dopune Prijave te finansijskih izvještaja

Učesnici koncentracije su ispunili uslov iz člana 14. stav (1) tačka b) Zakona.

#### 5. Prikupljanje podataka od trećih lica

Konkurencijsko vijeće se zahtjevima za dostavljanjem informacija i podataka, u cilju pojašnjenja relevantnog tržišta i tržišnih udjela učesnika na istom, dana 06.03.2020. godine obratilo Agenciji za statistiku BiH, Republičkom zavodu za statistiku i Federalnom zavodu za statistiku (akti broj: UP-05-26-1-003-11/20, broj: UP-05-26-1-003-10/20 i broj: UP-05-26-1-003-9/20).

Republički zavod za statistiku je djelimično dostavio traženo i to podneskom zaprimljenim pod brojem: UP-05-26-1-003-12/20 dana 13.03.2020. godine (original zaprimljen dana 18.03.2020. godine). Obzirom da se Agencija za statistiku BiH i Federalni zavod za statistiku na upućene akte nisu očitivali urgencije za dostavljanje traženog upućene su dana 06.04.2020. godine aktom broj: UP-05-26-1-003-16/20 i aktom broj: UP-05-26-1-003-15/20.

Federalni zavod za statistiku je djelimično dostavio traženo i to podneskom zaprimljenim pod brojem: UP-05-26-1-003-19/20 dana 14.04.2020. godine.

## 6. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnom tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebice njihove bitne osobine, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Shodno djelatnostima i poslovnim aktivnostima učesnika u koncentraciji relevantno tržište predmetne koncentracije definiše se kao tržište proizvodnje uređaja za distribuciju i kontrolu električne energije.

Relevantno geografsko tržište predmetne koncentracije je tržište Bosne i Hercegovine.

Relevantno tržište predmetnog postupka je s toga tržište proizvodnje uređaja za distribuciju i kontrolu električne energije u Bosni i Hercegovini.

(..)\*\*

Kako se navodi u Prijavi Prointer ITSS nije direktno niti indirektno putem drugih pravnih lica učestvovao na tržištu proizvodnje uređaja za distribuciju i kontrolu električne energije.

Prointer ITSS ističe da tržište proizvodnje uređaja za distribuciju i kontrolu električne energije, pored privrednog subjekta Kaldera company u BiH čine još pet privrednih subjekata koji su učesniku koncentracije najveći konkurenti ali i desetine manjih koji se bave istom djelatnošću.

U Prijavi i Dopuni Prijave dostavljen je podatak o strukturi ukupne vrijednosti raspisanih tendera u Bosni i Hercegovini u 2018. godini u kategorijama električni aparati za uključivanje i isključivanje ili zaštitu strujnih kola (948.434,00 EUR (1.854.975,67 KM) odnosno 4,9%), dijelovi aparata za distribuciju i upravljanje električnom energijom (840.563,00 EUR (1.643.998,33 KM) odnosno 4,3%) te električna oprema i aparati (17.691.427,00 EUR (34.601.423,66 KM) odnosno 90,8%), a koji pripadaju ovoj pretežnoj djelatnosti. Ukupne vrijednosti raspisanih tendera iznosila je 19.480.424 EUR, u protuvrijednosti 38.100.397,66 KM.

Najveći tržišni konkurenti privrednog subjekta Kaldera company su: Elnos BL d.o.o. Banja Luka, Deling d.o.o. Tuzla, Elcom d.o.o. Tuzla, Malkom d.o.o. Tuzla te Dalekovod d.o.o. Mostar.

Tržišni udio privrednog subjekta Kaldera company na tržištu BiH za djelatnost 27.12. proizvodnje uređaja za distribuciju i kontrolu električne energije prema kriteriju ukupnog poslovnog prihoda i usluga za ovu registrovanu djelatnost u 2018. godini ((..)\*\* KM) je iznosio (..)\*\*% imajući u vidu ukupnu vrijednost objavljenih tendera (38.100.397,67 KM).

Printer ITSS nije podlovaio na tržištu proizvodnje uređaja za distribuciju i kontrolu električne energije te samim tim nema ostvaren tržišni udio.

Slijedom navedenog tržišni udio konkurenata na tržištu proizvodnje uređaja za distribuciju i kontrolu električne energije u Bosni i Hercegovini iznosio je (.)\*\*%.

## **7. Ocjena koncentracije**

Konkurencijsko vijeće je pri ocjeni dopuštenosti koncentracije imalo u vidu da, prema navodima iz Prijave, privredni subjekt Printer ITSS do sada nije direktno niti indirektno putem drugih pravnih lica učestvovao na tržištu proizvodnje uređaja za distribuciju i kontrolu električne energije te samim tim nema ostvaren ni tržišni udio. Slijedom navedenog proizilazi da neće doći do promjene tržišnih udjela učesnika na tržištu proizvodnje uređaja za distribuciju i kontrolu električne energije u Bosni i Hercegovini.

Konkurencijsko vijeće je s toga ocijenilo predmetnu koncentraciju dopuštenom, u smislu člana 18. stav (2) Zakona, te odlučilo kao u dispozitivu ovog Rješenja.

## **8. Administrativna taksa**

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», broj 30/06, 18/11 i 75/18), je dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

U skladu sa odredbom člana 3. stav (2) tačka b) Odluke o visini administrativnih taksi u vezi s procesnim radnjama pred Konkurencijskim vijećem, Podnosioci prijave nakon izvršene uplate su dužni uplatnicu kao dokaz o izvršenoj uplati administrativne takse dostaviti Konkurencijskom vijeću, prije dostavljanja Rješenja.

Ukoliko Podnosilac prijave ne izvrši uplatu administrativne takse, Konkurencijsko vijeće će pokrenuti postupak prinudne naplate po proceduri koja je propisana članom 18. Zakona o administrativnim taksama Bosne i Hercegovine („Službeni glasnik BiH“ broj: 16/02, 19/02, 43/04, 8/06, 76/06, 76/07 i 3/10).

*Slijedom navedenog Konkurencijsko vijeće je odlučilo kao u tački 2. dispozitiva ovog Rješenja.*

## **9. Pouka o pravnom lijeku**

Protiv ovog Rješenja nije dozvoljen žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

**Predsjednica**

**mr. Arijana Regoda – Dražić**